

Bu yıl gagauzlara karşı yapılan Açlık genoğidın bitmesinin 75-ci yılı.

Kongresin yapılmasını Kişinev saklıdan zapa altına mı koydu?

Gagauziya Halk Topluşu (GHT) Prezidiumu almdı karar, ani Canavar ayın (oktäbri) 2-dä yapılmak neettä olan *Gagauziyanın hepsi uurlarda deputatların Üstolan Kongresi* olmayacak. Sebep – nesoyşa stareyşinalar Sovetinin hem başka cümne kuruluşların, nesoyşa primarların, BAŞKANın hem Gagauziya İspolkom azalarının hem da kimi GHT deputatların danışmalarıymış.

Esaba alarak, ani Kongresä buyur edileceydilər Türkiye, Rusiya hem OESD temsilcileri, Moldovada bulunan diplomatiya misiyaların başları hem büyükelçileri, hem da Kongrestä danışılacedılar Türkiyeyâ, Rusiyaya hem OESDya, ani onnar Gagauziyayı yok edilmektän kurtarsınнар hem onu korumakta arka olsunнар, Kongresin olamaması Gagauziyaya karşı gidän kuvetlerin dermennerinâ su akidêr.

Neçin Kongres olmêêr da “Ekonomika Forumu” hem “Şarap Günü” olacek. Ne ölä şen hem zengin yaşamamız mı var, osaydı Kongresin yapılmamasını Kişinev saklıdan zapa altına mı koydu?

Prezident geldi, buluştu, gözleri çıkardı, da gitti

Ceviz ayın (sentabri) 2-dä Gagauziyaya ansızdan geldi Moldova Prezidenti Maya SANDU da, ilktän Komrat Devlet Universitetin studentlarınнан hem pedagoglarınнан sora da Gagauziya Halk Topluşun (GHT) öndercilerinnän hem deputatlarınнан buluşup, savaştı Gagauziyada kızışan protest yangınlarını söndürmää.

Gagauziyaya vizitını Maya SANDU başladı Komrat Devlet Universitetin studentlarınнан hem pedagoglarınнан buluşmadan, annadıp neçin Moldova bölâ zor duruma düştü hem ne gözellikler bizi Evropa Birliindä bekler, teklif etti barış içindä yaşamaa hem aramızda tatlı söz bulmaa. **6-cı sayfa**

TBMM Başkanı Mustafa ŞENTOP bir gününü Gagauziyaya baaşladı




Ceviz ayın (sentabri) 15-16 günnerindä Moldovada bir ofişial vizitlan bulundu Türkiye TBMM (Türkiye Bük Millet Meclisi) Başkanı Prof. Dr. Mustafa ŞENTOP. Vizitin ilk günündä Canabisi buluştu Moldova Parlamentın Başkanı İgor GROŞUylan hem Moldova Premeyr-ministrusu Nataliya GAVRİLİŦAYlan. İkinci gündä dä, Moldova Respublikası Prezidenti Maya SANDUylan görüşmektän sora, Türkiye Parelamenti Başkanı Prof. Dr. Mustafa ŞENTOP bir gününü Gagauziyaya baaşladı. **Vivit için materiallar 2-5 sayfalarda**

Moldovada eni Türkiye Büyükelçisi – Uygur Mustafa SERTEL

Ceviz ayın (sentabri) 14-dä Türkiye Kişinev eni Büyükelçisi Uygur Mustafa SERTEL Moldova Prezidentına Maya SANDUya güvennik mektubunu verdi.

Uygur Mustafa SERTEL profesional diplomat. Universiteti başardıundan beri Türkiyenin dışışleri ministerliindä çeşitli erlerdä izmet etti. Diplomat olarak, birkaç devlettä işledi. Romaniyanın Konstanța kasabasında Baş konsuluunu yaptı.



“Onnar pensionerları gülmää alêrlar hem insan erinâ saymêêrlar!”

Pazar günü, Ceviz ayın 25-dä, Komratı geçti sıradaki protest mitingi, neredä, meydana çıkan insannar, Moldovada gaz hem paa durumuna, Moldova öndercileri hem devletin politikasına karşı çannarı düüdülär.

Mitingta çeşitli bakışlar açıklandı, ama onnarın özü birdi – Moldova politikacıları hem Gagauziyanın öndercileri hiç bir kerä milletin yanında olmayacaklar. Onnar sade kendi cannarını hem cöplerini düşünerlär, hem komşu devletä, Romıniyaya, izmet ederlär.

Söleyerek Kişinevun Komrada bakışı için, mitingta pay alan pensionerka Tatyana VLAH urguladı, ani vererek pensionerlara 1,5 bin ley kompensatiya “onnar pensionerları gülmää alêrlar hem insan erinâ saymêêrlar”, çünkü kendilerine 3-çar bin ley alêrlar. **8-ci sayfa**

TBMM Başkanı Mustafa ŞENTOP'un Moldova Parlament spikeri İgor GROSU'yla buluşması

TBMM Başkanı Prof. Dr. Mustafa ŞENTOP'un hem onun barabar gelən Türkiye Parlamentin delegatıyasının Moldova Parlamentin spikerinnän İgor GROSU'yla buluşmasında, Mustafa ŞENTOP, duydu kanaatlınnan dedi: "Moldova, ortak sınırimız olmamasına bakmadan, bizim için komşu saydımız bir memleket. İnanırım, ani yapacağımız görüşmelerde hem konsultaşyalarda olacak kolaylık regional hem global konulara ortak bir yaklaşım ortaya koymaa".

İki devlet arasında diplomatiya ilişkilerinin 30 yılını urgulayarak, Mustafa ŞENTOP, açıkladı, ani Türkiye Respublikası Prezidenti Recep Tayyip ERDOĞAN'ın 2018-ci yılda Moldova'ya vizitında kurulan stratejiya ortaklı oldu ilişkilerde dönüm noktası. Canabisi açıkladı, ani tezdä Türkiye-Moldova Üşek düzeyli stratejik işbirlii Konseyin ikinci toplantısı olacak.

Kovid-19 beerinä uzun zaman dünneydä diplomatik ilişkierin, karşılıklı vizitların yara aldını hem ikili buluşmaları zorlaştını aklılarına getirän TBMM Başkanı ilerletti: "Şindi o dönemi aştık, bu aradaki zamanı kazanmaa deyini adımnarı atacez. Bu çerçevedä, özellikle, Dışişleri Komisiyası başta olmak üzerä, profillär komisiyalarımızın karşılıklı vizitları parlamentar ilişkilerä katkı saalayacaanı düşünirim".

Urgulayarak, ani Rusiyanın Ukrayna'ya karşı başlattı cenktän en çok etkiledii memleketlerden birisi Moldova oldu, Mustafa ŞENTOP dedi: "Cenk, Evropanın güvännik arhitekturasını derindän etkiler. Bu cengin, Ukrayna'nın komşu olması beterinä, Moldovayı pek etkilediini urgulêêrız. Komşumuz olarak gördüğümüz Moldovanın baamsızlığına hem güvänniinä önem vereriz. Türkiye olarak, bu cengi halklararası juriidika hakının açık bir ezmesi olarak göreriz. 2014-cü yılda Kırımın aneksiyasından beri Ukraynanın baamsızlı

hem toprak bütünnüünün korunması lââzım olduunu koruyêrız. Bu pozişiya yalnızca Ukraynayan sınırlı olmayıp Gruziyay hem Moldova için de geçerli. Halizdän bu pozişiyamızı da Rus kolegalarımıza açıktan söyleriz".

Cengin başlamasından buyanı, Prezidenti Recep Tayyip ERDOĞAN başta olmak üzerä, Türkiye'nin, cengin sonandırılması için elindän gelän çalışmaları gösterdiini söyleyan Mustafa ŞENTOP bildirdi, ani ileriki adımnarda da bölgedä barışın hem raat durumun saalanması için bu pozişiyayı hem çalışmaları sürdürmeye Türkiye devam edecek.

Rusiyanın Ukrayna'ya başlattı cengin, başta enerjiya hem iyecek malları güvännii olmak üzerä, hem bölgä, hem dâ geniş bir geografiyada etkisinin giderek taa zeedä duyulması başlandını açıklayarak, dedi "Yaşanan bu cengin ortaya çıkardı serioz sonuçlarlan güreş etmek için hepimizin taa yapıcı hem birlik ruhu içersindä gitmemiz lââzım. Türkiye olarak halklararası barışa, güvännä, raat duruma, cümne raatlığına hem kalkınmaya katkı saalayacak her türlü adıma arka olêrız, bütün kolaylıklarımızlan bu öndeki uurda katkı vermeye devam edecez".

Moldova Parlametn spikem İgor

GROSUnun üülen koridorundan gaz kabledilmesinin istediinnän ilgili olarak, Türkiye'nin bu konuda dikkatli hem konkret çözüm için incelemäk yaptını belirtän TBMM Başkanı dedi: "Moldova'ya da yardımcı olmak isteriz".

Mustafa ŞENTOP, FETÖ'nün Moldovadaki işlerine diyeräk, urguladı, ani burada işleyen 5 lişeyin Moldovanın güvännii için dâ risk oluşturduu uyarısında bulundu.

TBMM Başkanı, görüşmedä, 2021-ci yılın seçimnerindä Moldova Parlamentına 4 gagauzun girmesindän duydu kanatlını açıkladı.

Türkiye'nin Gagauziyaya yaklaşımı Moldovanın suvereniteti hem toprak bütünnüü çerçevesindä olduunu belirtän Mustafa ŞENTOP: "Gagauz Yeri, Moldovanın ayrılmaz bir parçası. Gagauz avtonomiyasına çalışırtmak kazandıracak iki zakonun kabulunu kanaatlan karşılamıştık. Kalan zakonnar proektların kabulunun, Gagauz soydaşlarımızın Moldovalı olduklarını güçlendireceenä inanêz" incelemsini yaptı.

Gagauzlara da devlet dilini üürenmeleri, başkasabalari Kişinev olduunu unutmamaları hem Kişinevian yapıcı ilişki kurmalarında bulunduklarını unutturmayan TBMM Başkanı, açıkladı, ani isteer Gagauz avtonomiyası yok edilmesin. Mustafa ŞENTOP açıkladı,

ani biler, ki var kuvetär, angıları Ukraynada cengin dolayında eşineräk, onu avtonomiyaya karşı kullanmaa isteerlä.

Bu durum altında Gagauz Yerinä önelik olarak kapsayıcı hem birleştirici bir söylemin kullanılmasının önemini gösterän Mustafa ŞENTOP, ayırıştırıcı merkezlerin anaşmamazlık yaratmak hem distrükşiyaya getirmek için kulannamakta Ukraynadaki durumu var nicä kullansınlar.

Moldova Parlamentın Başkanı İgor GROSU da Rusiya-Ukrayna cengini hatırlatarak, Türkiye'nin barış hem uslu durumun tekrar saalanması için yardımını bilmelerini belirtti.



Urgulayarak, ani onnar bilerlä, ki Prezident Recep Tayyip ERDOĞAN çözüm bulmak için ortak bir yol arêr, İgor GROSU dedi: "Ukraynadaki booday hem başka terekenin dünnäya ulaştırılması için çözüm bulan Türkiye'nin bütün adımnarını yakından izleeriz".

Beleleräk, ani Ukraynada ceng beterinä, dünnäda bir energetika krizisi oluştu, Moldova Parlamentın spikeri dedi: "Türkiye'nin bu konuda oynadı rolünü bileriz, işbirlii yapılarak bu krizisin da aşılması için gösterdiiniz bütün çalışmalarınızı göreriz. Moldova, enerjiya krizisindän pek çok etkilendi, çünkü yakın dostlarımız hem komşularımız var. Bu üzerä sizdän bir isteşişim olacak: gaz importu yapmamız lââzım olursa, üülen koridorunu kullanma kolaylımız olur mu?"

İgor GROSU açıkladı, ani TİKA aracılınnan Moldovada 400-dän zeedä proekt ömürä geçirildi hem çok kasabalara izmet götürüldü.

TBMM Başkanı Mustafa ŞENTOP, delegatıyalar arası görüşmenin ardından Moldova Parlamentın "Şan Tefteri"ndä yazı yazdı.

Taa sora TBMM Başkanı Mustafa ŞENTOP buluştu Moldova Parlamentı komisiyalar başkannarinnan hem görüştü Moldova alış-veriş Odasının hem da Moldova investışıyalar ofisin temsilcilerinnän.



TBMM Başkanı Mustafa ŞENTOP'un Moldova Premeyr-ministrusu Nataliya GAVRİLİTAylan buluşması

TBMM Başkanı Prof. Dr. Mustafa ŞENTOP, Moldovada ofițial vizitlan bulunarak, Moldova Premeyr-ministrusu Nataliya GAVRİLİTAylan buluşmasında urguladı, ani Türkiyelân Moldovada arasındaki güçlü politika baaları ekonomika hem alış-veriş ilişkilerine da yansıyêr, dedi: “1 miliard alış-veriş uuruna uluşmamamız – ortak keezimiz. Salgın hem cenk beterinâ postav-

ka sincirlerin bozulması gibi sorunlara görâ, bu uurda önemni üüsekliktâ kat ettik”.

Moldovanın en çok eksport yaptı devletlerin arasında Türkiye üçüncü sırada bulunêr. Moldova vatandaşların 51,4 % dinnenmâk için Türkiye'ye geldiini urgulayan Mustafa ŞENTOP, bunun taa da gelişeceenâ inandını açıkladı.

Urgulayarak, ani Ukraynada ilerleyân cenktân en çok Moldova Respublikası etkilendi, Türkiye Büyük Millet Meclisi Başkanı Mustafa ŞENTOP dedi: “Bu dönemda Gagauz soydaşlarımıza önelik olarak yapıcı hem birleştirici mesajlar verilmesinin her zamankından taa önemni oldu kanaatındayız. Canavar ayında (oktâbri) Moldova Pravitelstvusunun toplantı-

sının Gagauzyada yapılacak olması ii düşünölmüş”.

Mustafa ŞENTOP, Moldova Premeyr-ministrusunun da gaz konusunda Türkiyedân yardım istediini söyleyêr, onun “Trans Balkan” boru magistralindân iki taraflı kullanımının hatırlattı. Başka memleketlerdân da iste-diini açıklayarak, magistralin kullanılabilmesi hakkında bilgisini verdi.



TBMM Başkanı Mustafa ŞENTOP'un Moldova Prezidenti Maya SANDUylan görüşmesi

Görüşmedâ Mustafa ŞENTOP Türkiyelân Moldovanın köklü istoriyalı hem kultura temellerinâ dayanan güçlü ilişkilerâ sayıp olduuklarını söyledi. “İlişkilerin gün geçtikçâ taa da güçlenmesi temel keezimizdir” deyân TBMM Başkanı Mustafa ŞENTOP, Üüsek düzeyli stratejik işbirlii Konseyin yakında düzenlenmesi plannanan ikinci toplantısının da işbirliinâ kimi katkılar saalayacaana inandını belerterêk, Prezident Recep Tayyip ERDOĞANın selamnarını söyledi.

Türkiyenin, ikili alış-veriş büyüklü 1 miliard dolara üüseltmâ keezinâ baalılını açıklayan TBMM Başkanı Mustafa ŞENTOP, “2021-ci yılı ikili alış-veriş büyüklü 857 milyon do-

TBMM Başkanı Prof. Dr. Mustafa ŞENTOP, Moldovaya vzi-tının ikinci günü, Ceviz ayın (sentabri) 16-da sabaalen, görüştü Moldova Prezidenti Maya SANDUylan.

lar olarak gerçekleşmesi, bu keezâ yakında ulaşacaamızı gösterer. Türk investiyaların Moldovadaki başarıları bizleri gururlandırıyor. Bu yatırımın artmasını arzu ederiz. Atılacak adımlarla alış-verişin enerjiyeye, industriya turizması gibi çok alanda işbirliini geliştirebiliriz” dedi.

Türkiyenin, salgın dönemi hem Ukraynadaki cenk beterinâ yaşanan kaçkınnar akıntı sırasında Moldovaylan solidar olduunu açıklayan Mustafa ŞENTOP, dedi: “Ukraynada yaşanan gelişmelâr, eni sorun hem zorlukları da

beraberindâ getirer. Dünnâda en çok sayıda kaçkınnar kabledân memleket olarak Türkiye, Moldovanın üzerindeki baskıyı çok ii annamaktadır”.

TBMM Başkanı, AFAD hem Kızılay elinnân yapılan gumanitar yardımın önümüzdeki dönemde dâ kolaylı oldu kadar ölçüsündâ sürdüröleceğini söyledi. Mustafa ŞENTOP dedi: “Türkiye olarak, bu cengi halklararası juriidika hakının açık bir ezmesi olarak göreriz. Cengin uzaması, durumu taa da kötüyâ götürmektân başka bir işâ yaramayacak, tivil halk acı çekecektir. Memleketimiz,

barış yolunda zaamet göstermektedir. İlerki aşamalarda da bölgemizdâ barışın hem uslu durumun saalanması için bu pozitiyamızı hem çalışmalarımızı sürdürmeyâ devam edecez”.

Türkiyenin, Gagauz Yerinâ önelik yaklaşımının, Moldovanın suvereniteti hem toprak bütönnüü çerçevesindâ olduunu söyleyân Şentop, “Gagavuz Yeri, Moldovanın ayrılmaz bir parçasıdır” deyêrêk, Kişinevlan Komrat arasında yapıcı bir dialogun konstruktiv olmasını söyledi. Komşu memleketdâ yaşanan cenk beterinâ, Moldovanın zor bir dönemdân geçtiini hem bozgunculuk yaratmak isteyân birtakım ocaklara karşı milli birlik hem beraberlii korumanın her zamankından taa çok önem taşıdını açıkladı.



TBMM Başkanı Mustafa ŞENTOP



Ceviz ayın (sentabri) 15-16 günnerindä Moldovada bir ofişial vizitlan bulundu Türkiye TBMM (Türkiye Büyük Millet Meclisi) Başkanı Prof. Dr. Mustafa ŞENTOP. Vizitin ilk günündä Canabisi buluştu Moldova Parlamentin Başkanı İgor GROŞUylan hem Moldova Premeyr-ministrusu Nataliya GAVRİLİTAylan. İkinci gündä dä, Moldova Respublikası Prezidenti Maya SANDUylan görüşmektän sora, Türkiye Parelamenti Başkanı Prof. Dr. Mustafa ŞENTOP bir gününü Gagauziyaya baaşladı. Canabisini Gagauziyada tuz-emkelän karşıladılar Gagauziya Başkankası İrina VLAH hem Gagauziya Halk Topluşu Başı Dimitriy KONSTANTİNOV, “Düz Ava” ansamblisinin oyuncularını gagauz halk oyunlarının hem sokakların yannarına dizili uşaklar Gagauziya hem Türkiye bayraklarının selâmnadılar.

Gagauziyaya vizit zamanında TBMM Başkanı Prof. Dr. Mustafa ŞENTOP göz-gözä görüştü İrina VLAHlan hem Dimitriy KONSTANTİNOVlan hem uzun bir buluşma yaptı Gagauziya Halk Topluşu deputatlarının.

Bundan kaarä Canabisi Komrat ATATÜRK bibliotekasının tanıştı,



bir gününü Gagauziyaya baaşladı

Türkiye Pravitelstvosu tarafından Komratta yapılan stadionda bulundu hem Komratta “Türkiye Prezidenti Recep Tayyip ERDOĞAN üredicilik kompleksi”n düzelmesini baktı.


Vizitin programasına görä, Başkan Prof. Dr. Mustafa ŞENTOP, onun yanında bulunan Türkiye-Moldova Parlamentlar arası grupanın Başkanı Mehmet ALTAY, TBMMnin AK Partiyasından deputai İshak GAZEL hem TBMMnin CHPdan deputatı Özgür KARABAT, Türkiye Kişinev Büükelçi Uygur Mustafa SERTEL, Türkiye Gagauziya Komrat Başkonsulu Hasan AKDOĞAN, TİKA Kişinev programaların Koordinatörü Selda ÖZDENOĞLU hem delegaţiyanın başka azaları uuralılar TİKA tarafından Komratta düzülen “Hoca Nastradin” adına uşak başçasına, neredä uşaklar tarafından pek gözäl karşılandılar. Karşılamanın sonunda Başkan Prof. Dr. Mustafa ŞENTOP uşaklara baaşış baaşladı.

Vizitin noktası ansızdan koyuldu Gagauziyanın sınırında bulunan “GA-GAUZİYA” stellanın yanında patredä çıkmaklan.



Aya Mariya gününə karşı “Aya Mariya” dünneyi gördü

Ceviz ayın (sentabri) 21-dä bakılêr büyük din yortusu Küçük Panayıya – Allahın oolunu İsu duududran Aya Mariyanın duuma günü. Taman bu günə karşı tipardan çıktı Todur ZANETın kiyadı “Aya Mariya”.



“Aya Mariya” uzun bir annatma, angısının temelinde yatêr Avdarma küüyündä halizdän olan bir iş. Açı bu küüdä kliseyi kapamaa istemişlär, avdarmalyka Mariya KAPSAMUN almış klisenin anaktarlarını da 41 yıl Kliseyi hem onun arhivini korumuş. Ama, genä dä, bu kiyat – bir literatura yaratması, ani annadêr açlı, o uzak zulum vakıtları hem neredä, baş personajı açıklamaa deyni, avtor kullandı kendi malisinin hem anasının karakterlerini hem yaptıklarını.

Kiyadın basılması için yardım etti Avdarma küüyün hem Avdarma küüyün istoriya muzeyin kurucu mehenatı İlya Mihayloviç KAZMALI.

Kiyadın Baş konsultantı oldu İvana Dimitrievna ZANET (avtorun anası, 92 yaşında). Kiyadın resimcisi – gagauz resimcisi Mihail ARABACI, redaktoru – Elena KARAMİT, kompyutor işleri – Marina DİMİTRİU.

Kiyat çıktı “Pontos” basım evindä. Tirajı – 1000 taanä.

BUTAFORİYA: dermen daaldı – göz boyacılar 800 bin leylik işi, göz kararına, 30 bin leyä yapmışlar

Harman ayın (avgust) 14-dä, maasuz “Gagauz kilimneri” Festivalinä Aydar küüyündä, remonttan sora, tantallı açıldı 128 yıllık el dermeni, angısının, maamilä surat, kurturulması hem enilenmesi Evropa Birliin “Güvenni kaavileştirmä sıraları” Programasının çerçevesindä 800 bin ley paraya yapılmış.

Aydar küüyündä bu 128 yıllık el dermenin restovraçiyasının halak-bulak yapılmısı taa uzaktan görünärdi. Ama, ani sade göz boyamaa deyni orada bu kadaradan halak-bulak “iş yapılmış” inanamazdık. Onuştan, açan Aydar dan geldi haber, ani 128 yıl türlü lüzgerlerä hem fırtınalara daynan dermen Harman ayın (avgust) 30-da bir boradan darmadaan olmuş, karar aldık işi irindä görmää.

Aydara maasuz gidip, şaşılamak iş gördük: dermenin restovraçiyasını salkım ya da meşa tiftaların erinä çürük cam



taftalarının yapmışlar. Evelki açları çatlaklarına hem lataların başlarına birär-ikişär enser kakmışlar da bu kadar. Küçük uşaa da belli, ani bu enserlär hiç



tutulmêr da, diil, ani boraya dayansınar. Dermenin kanatları hep ölä o tiftalarla hem latalarla yapılmış, onuştan lüzgär onunnarı çivi gibi kırmış.

Bir şüpesiz var nicä demää, ani Evropa Birliin “Güvenni kaavileştirmä sıraları” Programasının çerçevesindä Aydar verilän 800 bin leyi lüzgerä uçtu, ama kimin ceplerinä kondu, sade bir Allaa bilir!?

Prezident geldi, buluştu, gözleri çıkardı da gitti

Çeketmesi 1-ci sayfa.

Sora, GHT öndercilerinnän Gagauziya Halk Topluşun (GHT) öndercilerinnän hem deputatlarınan buluşup, iki saattan zeedä savaştı onnarla bir dialog kurmaa, ama becerämedi, zerä buluşmak hep kavga kertiindä bulunardı.

Prezident burada da annattı o zorluklar için, ani bütün Moldova “Ukrayinada cengin beterinä” geçirer hem, açan deputat Aleksandr TANAUSKIY teklif etti Evropadan yardımdan Gagauziyada da bir büyük saalık merkezi kurmaa, cuvap erinä Maya SANDU onun gözlerini çıkardı, deyeräk “Evropaya istämeersiniz, ama Evropa paralarını isteersiniz!”.

Maya SANDU nun gagauz deputatlarınan buluşması vulkan gibi püskürärdi. Deputatların çoyun kanı kaynardı da onnar üsek seslerä geçärdilär. Maya SANDU da hep savaştı kendisini korumaa da hepsi Moldovada problemları komuşu

memlekettä gidän cengitän peydalanmasını sebeplenmesini hep önä sürärdi.

Ortalık tutuştu ozaman, açan GHT deputatları teklif ettilär Prezident, artıklı brakıp, Moskvaya gitsin da gazın paayı için annaşsın. Buna Maya SANDU ölä cuvap verdi: “gazı satan da lüzüm kayıl olsun paayı indirmää, ama o bunu istämeer yapmaa”. Neyä Beşalmadan deputat Grigoriy DÜLGER dedi, ani “diil lüzüm, “Kırım plarformasına” katılıp, Rusiyanın üzünä tükürmää”.

Bu laflarla kavga halizdän patladı da Maya SANDU hem kestir buluşmayı. Ayınlarkana Canabisi adadı Gagauziyaya genä gelmää. Bakalım neylän buyuracak.

Bir iş taa lüzüm urgulamaa: Moldova Prezidenti Maya SANDU nun prog-

ramasında yoktu Gagauziya Başkankasının İrina VLAHLan buluşmaa, ama, nicä dä taa ileri, İrina VLAH, çingenäyke gibi, gelip Halk Topluşuna, sokuldu buluşmaya hem hemen terbeeleri da kendi elinä almaa savaştı, ama bunu yapmaa ona genä kolaylık vermedilär hem yannarına da yaklaştırmadılar. O üzerä dä, may bütün toplantı, Canabisi masayı hem ellerini siiretti, dudaklarını burdu, tavana, baktı, su içti hem su şişelerini siiretti.



Sovetlär Birliini darmadaan edän Mihail GORBAÇEV geberdi

Harman ayın (avgust) 30-dä geberdi hem Ceviz ayın 3-dä gömüldü Mihail GORBAÇEV (02.03.1931 – 30.08.2022) Sovetlär Birliin dokuz aylık Prezidenti (15.03.1990 – 25.12.1991), ani bir buçuk yılın içindä, Sovetlär Birliini darmadaan etti hem onun hepsi varlıklarını Amerika Birleşik Devletlerinä sattı.



Te ne yazêr hayın Mihail GORBAÇEV için Amerika Birleşik Devletlerin

(ABD) 40-ci Prezidenti Ronald REYGAN (Ronald Wilson Reagan): “Açı bän yollandım buluşmaa sovetlär gensekinnän, beklärdim, ani görecäm hrestomatıyalı bolşevik paltosuna hem karakul pilotkasına giimni bir kişiyi. Bunun erinä beni tanıştırdılar modalı franțuz kostümüne giimni hem “Rado Manhattan” saatlarınan bir Canabinä... Bakıp ona bän düşündüm – “Daa... Bu bizä hepsini satacak!!!” Sattı da!

Büük Britaniya korolevasını II-ci Elizavetayı aylä mezarında gömdülär

Ceviz ayın (sentäbti) 8-dä 97 yaşında ölä Büük Britaniya korolevasını II-ci Elizavetayı Ceviz ayın 19-da Vinzor Kalesi (Windsor Castle) Ay Georgi çasovnasında bulunan aylä mezarında, eşinin prinț Filipin yanında, gömdülär.

Bildiriler, ani II-ci Elizavetanın son yoluna geçirilmesi sırasında pay aldı 2 bindän zeedä insan, angılarının arasında vardılar yabancı devletlerdän ofițial kişilär, ölä, nicä prezidentlar, parlament başları hem premyer-ministrular. Pay aldı orada Moldova Prezidenti Maya SANDU da. Hep ölä bildiriler, ani ölüyü gömmä sırasına çağırılmalılar Rusiyanın hem Belarusiyanın bükükleri.

II-ci Elizaveta 70 yıl bulundu Büük Britaniya monarhlık tahtasında, nereyi pindi 1952-ci yılın Küçük ayın (fevral) 8-dä, kendisinin bobasının, korol VI-ci Georgin, ölmesindän sora.



Patret: ru.wikipedia.org

“23. Suçıktı Şiir Avşamı” büyük can sıcaklığınan geçti

Türkiye'nin Balıkesir hem Dursunbey Belediyeleri (primariyaları) tarafından artık irmi üçüncülää hazırlanan “Suçıktı Şiir Avşamı” bu yıl, ilk kerä halklararası olarak, bu gözäl erlerdä Ceviz ayın (sentabri) 23-25 günnerindä, bakmadaan suuk havalara, pek sıcak geçti.

Yakın otuz yıl geeri, poet Mehmet Atilla MARAŞ hem arkadaşları tarafından erindeki bir şiir avşamı olan, kurulan bir poeziya sırası, bu yıl halklararası statusuna girdi hem onda, onur konaandan Cahit KOYTAKtan kaarä, Türkiyedän hem başka memleketlerdän peet ustaları pay aldılar: Türkiyedän – Metin CELAL, Esra ELÖNÜ, Mürsel Sönmez Serap KADIOĞLU, Tuba KAPLAN, Mehmet Atilla MARAŞ, Metin Önal MENGÜŞOĞLU, İnci OKUMUŞ, Ahmet Murat ÖZEL, Ali SALİ, Ayşe SEVİM, A. Ali URAL; Azerbaycandan – İntiqam YAŞAR, Bulgaristandan – Aziz ŞAKİR, Gagauziyadan (Moldova) – Todur ZANET, İraktan – Mehmet Ömer KAZANCI, Makedonyadan – Esra MATYAN, Üülen Afrikadan – Shabbir BANOOBHAI.

Balıkesir primariyasının hem “Balıkesir Milli Bibliotekasının Ahmet KOT Kiyatlı” zaametçilerinin, başta Ebru Ekşi YASAN olarak hem poet Ahmet KOTun kendisinin yorgun yollardan gelän hepsi musaafirlerini can sıcaklığınan karşılamasının başlanan bu poeziya yortusu taa sonuna kadar hep o can sıcaklığı içinde geçti.

“23. Suçıktı Şiir Avşamı” programası başladı ondan, ani hepsi poetlar, birkaç alaya bölünüp, Balıkesir şkolalarına hem lişeylerinä yollandılar, neredä literaturaya hem poeziyaya sevgi duyan gençlärlän buluştular hem, onnara yortunun kiyatlarını baaşlayarak, kendilerinin literaturaya uurlunda

ustalık inceliklerinnän paylaştılar. O lişeylerin birisi da oldu Balıkesir kasabasının Karesi rayonun “Fatma Emin Kutvar Anadolu Lişeyi”, neredä poetları pek gözäl sıcaklıklar karşıladılar lişeyin direktoru Bedia NARLI hem lişeyin üürencileri.

Poeziya yortusunun ilk günün ikinci payı başladı tanışmaktan “Balıkesir Milli Bibliotekasının Ahmet KOT Kiyatlı”nnan, neredä erleştirili 100 bin kiyat, angılarını ömür boyunca toplamış Canabisi. Hep burada oldu bir “Uşak hem peet” Paneli, ani adanmıştı geçennerdä raametli olan Türkiye'nin anılmış poetının Mevlana İDRİSın anmasına. Poet Todur ZANET baaşladı bu Bibliotekaya kendi “Seçmä yaratmalar. 60 yaşına” kiyadını.

Ceviz ayın (sentabri) 23-çü günün programasının üçüncü payı da, “Balıkesir Şiir Meclisi” olarak, bu kasabanın “Zağanos Paşa Camii Meydanı”nda geçti. Burada, aralarda Balıkesir konservatoriyasının çalgıcıların mini konfertinnän yısınarak, poetlar kendilerini tanıttılar hem, biraz üşüdülär, çünkü ansızdan bayırlardan hem daalardan gelän suuk soluk, ortalı, neredäsä, dondurmaa başladıydı. Belliki, meydanda bulunan insannar da üşüdülär.

Tanıtmak sırası musaafirlerä Balıkesir Belediyesinin baaşlıklarının verilmesinnän başarıldı da hepsi insannar, yısınmak için, çabucak yakında bulunan bir erä çay içmää sıyındılar. Ama çaydan kaarä, ellerimizi hem

cannarımız yısıttı o taazä sıcak ekmekler, angılarını ekmekçidän almıştı Türk Dünnası Vakfı Genel Müdürü Mustafa FIRATLI da, Avrasya Yazarlar Birlii Başkanı Yakup ÖMEROĞLUylan bilä, kırıkırıp, poetlara daatılar.

Ertesi günü programa Dursunbey kasabasında ilerledi. Poeziya şennikleri arasında, katılımcılar tanıştılar “Barana” adında kultura zenginliinnän, ani ÜNESKO tarafından tanındı hem evellerdän kalan halizdän bir kultura zenginlii var.

Lääzım açıklamaa, ani Dursunbey kasabasının parkında çok kaynarca hem er altında su gözlerin fişkirtan hem çıkan erlär var da hepsinin onnarın bir adı olmuş – Suçıktı. Te bu Suçıktı kenarında, öt-eşil bir park içindä, ilktän oldu “Dursunbey Şiir Meclisi” sora da, avşamneyin, fiçılarda yakılan odunların sıcaklığında da “23. Suçıktı Şiir Avşamı”n ana programası yapıldı, neredä hepsi poetlar kendi peetlerini okudular. Gagauziyadan poet Todur ZANET burada okudu “Köpürüp, düştü atlarımız” peetini, ani adanmıştı Gagauzların evelki Beylerinä hem bir halk türküsündän esinti olarak yazılmıştı. O peet annadër 200 yıl geeri Kavarna kasabasında gagauzların kıyılmasını.

Dursunbeydä olan “23. Suçıktı Şiir

Avşamı”na katıldılar hem konaklar bilä oldular Dursunbey Kaymakamı Ramazan TEKE, Balıkesir rayonun Kultura hem Turizma Müdürü Mehmet MAZAK, Dursunbey Belediyenin geçici Başkanı Mustafa SALİ, Karesi Kaymakamı Mehmet ARSLANTAŞ, çeşitli kuruluşlardan hem sıradan insannar.

“23. Suçıktı Şiir Avşamı”nın üçüncü günü dâ, katılannara deyni İvrindi Belediyesinä, Kaz daaların “Cam Seyir Terasası”n “İda Madra Geoparkı”na hem Ayvalık kasabsının Cunda erinä gezi yapıldı.

Not. Saa olsunar hepsi insannar, ani bu büyük literaturaya yortusunda bizleri orada gülär üzlän, ölä gözäl hem candan sıcaklıklar karşıladılar hem üç günün içindä okadar çok bizimnenän ilgilendilär.

Fotolar: balikesir.ktb.gov.tr



TİKA Başkan Yardımcısı Dr. Mahmut ÇEVİK: “Balkannarda 100-ä yakın material varlını ayaa kaldırdık”

2022-ci yılın Ceviz ayın (sentabri) 1-4 günleri arası İstanbulun Beykent Üniversitinde “Balkannarda VIII. Halklararası Balkan istoriya aaraştırmaları Simpoziumu” geçti, angısına Türk İşbirlii hem Koordinatıya Agenstvo-sunun (TİKA) Başkan Yardımcısı Dr. Mahmut ÇEVİK katıldı hem “Balkannarda 100-ä yakın material varlını ayaa kaldırdık” konusunda konuşma yaptı.

TİKA Başkan Yardımcısı Dr. Mahmut ÇEVİK tribunadan nasaat ederäk, TİKAnın Balkannarda yapılan çalış-malarını hem zaametlerini bölä annat-tı: “Umut ederim, anin büünkü buluş-mamız ortak istoriyamıza şafk tutacak hem geçmesini hem istoriyalı artefakt-larımızı gelecek boylara aktarılması konusunda katkı saalayacak.

İstoriyanın en eski milletlerinden

olan türk milletin dolay dünnäya ken-di görüşü vardı. Ayırı din, dil hem kimlikleri olan toplumlara saygı gösterileräk, 500 yıl boyunca 1 mil-ion km kvadratı Balkan yarım ada-sında kaldık. Balkannarda olan 11 koordinatörlik ofisimizlän Balkan-narda 100-ä yakın material varlını ayaa kaldırdık. 15 istoriyalı yapının restovratıya proektını tamamnadık

hem 10-dan zeedä istoriyalı yapıların da restovratıya için proektların hazır-lama çalışmalarını yapêrız. Manastır-da asker üçilişçesindän Kosovadaki “Yaşar Paşa” camisinä, Podgoritadaki saat kalesindän Bosniyadaki “Drina köprüsü”nä hem “Maglaj” camisinä, Serbiyada “Ram Kalesi”ndän Sienița “Valide Sultan” camisinä, Tirana “Ethem Bey hem Berat Bekarlar” camisindän Jirokastra saat kulesinä bütün istoriya artefaktlarına dokunêrız. Onnarı gelecek boylara aktarımnarını saaladık.

Vengriyada “Gülbaba Türbesinin” restovratıyasını hem muzeyin yapı-mından Peç kasabasında da Türk çeş-mesi restovratıyasına katkı saaladık. Orta Aziya, Afrika, Kafkaz hem Uzak Douda da ortak istoriya artefaktlarına saabi çıkêrız. Aljirda “Kecova” cami, Azerbaycanda “Nuri Paşa” muzey evi, Mongoliyada “Bilge Tonyukuk Yazıt-ları”, Sudanda “Ali Dinar” muzey evi, Efiopiyada “Necaşi Türbesi”, Kaza-kistanda “Yesevi Türbesi” – bunnar-



dan sadecä birkaçıdır. Material olma-yan kultura varlı olarak ta, her toplum kultura-sını yaşatsın deyni, peet, türkü, halk oynunnarı h.t.b. alannarda kultura merkezleri düzdük. Gagauz kilimin gelecek boylara aktarımı için atolyelär kurduk. Bizim uumumuz – Halklara-rası kabul görmüş koruma teknikalar-lan yarattıkalarımızı ayaa kaldırılma-sınnan birliktä, yaşama kultura-mızı sürdürülâbilir olmasındır”.

“Onnar pensionerları gülmää alêrlar hem insan erinä saymêêrlar!”

Çeketmesi 1-ci sayfada.

Bakmadan ona, ani “Gagauziyanın insannarı Gagauziya öndercilerindän dä arka bekleerlä, bu iş hiç bir kerä ol-mayacak, zerä o öndercilär dä bir kerä milletin yanında olmayacaklar”.

Başka bir pensioner, valkaneşli İvan FUYOR, can sancısınnan dedi, ani “dev-let başi gitmeyeceymiş alçaklanmaa hem devleti ucuz gaz satmaa. Ama, afedin, onnar milleti çoktan sattılar. Onnar hepsi romın oldular. Onnar bizä tükürerlä”.

Komrattaki protest mitingindina açıklandı, ani Gagauziya milletin adın-dan yazıldı bir danışma kiyadı Türkiye Respublikası Prezidenti Recep Tayyip ERDOĞANın adına, neredä yalvarılêr Türkiye Gagauziyaya, öndä ucuz gaz olarak, başka ucuz enerjiya resursla-rınınan yardım etsin. Şindi bu kiyadın altında imzalar toplanêr.

Ceviz ayın 25-dä protest mitingları Moldovanın Briçeni hem Kişinev kasa-balarında da geçti. Kişinevdaki miting-ta, prezidentura eşiklerindä, protestçıl-lar baarardılar “Erken seçimnär!” hem “Maya Sanduyu erä!”. Bundan kaarä, onnar kolverdilär gökä Maya SANDU-nun kartondan simasını yazıylan: “Bän devleti tezek uurunadan indirdim”.

Başkannık orkestrası “II-ci Bursa halklararası duhovoy ansamblilerin Festivali”nä katıldı

2022 yılın Türk dünnäsi kultura başkasabasında Bursada, bu kasa-banın baş primariyası saabiliindä hem TÜRKSOYun (Halklararası türk kultura-sı kuruluşu) katkısınnan, Harman ayın (avgust) 30-zu – Ceviz ayın (sentabri) 1-ri günnerindä geçti “II-ci Bursa halklararası duhovoy ansamblilerin Festivali”, nereyi Azerbaycan, Gagauziya (Gagauz Yeri), Kazakistan, Moldova gibi memleketlerdän hem Türkiyenin çeşitli kasaba-larından orkestralar katıldı.



Festivalin programası Harman ayın (avgust) 30-da Bursa Atatürk pamätüniindän orkestraların kasaba için-dä kortej örüyüşünnän başladı.

Avşam saatlarında da Bursanın Hüda-vendigar Kent Parkında düzennän konfert programasınnan ilerledi. Konfertta ştenaya alınan Haydar Ali-

yev asker institutun orkestrası, Ka-zakistan Prezidentin asker orkestrası, Moldova Zaim orkestrası, Yuriy TA-RANENKO önderciliindä Gagauziya (Gagavuz Yeri) Başkannık orkestrası bursalılara gözäl muzikalı bir gecä ya-şattılar.

Türkiyenin “30 Ağustos Zafer Bay-ramı” (“Harman ayın (avgust) 30 En-seyiş yortusu”) günü özel konfertlan başlayan festivalin açılış konfertindä nasaat edän TÜRKSOY temsilcisi Dr. Cavid MÖVSÜMLÜ, TÜRKSOY Ge-nel Sekretari Sultan RAEVın selam-narını getirdi hem da onun adından orkestralar şeflarına festivalin plaket-larını verdi.

Festivalin ikinci günündä, orkest-raların öneticileri hem şefları Bursanın baş primarınnan Alınur AKTAŞLlan buluşturlar, neredä Canabisi şükür etti orkestralara festivalä katılmaları için hem TÜRKSOYya da katkıları için.

Festivalä katılan orkestracılar deyni zengin bir kultura programası hem Osmannının ilk başkasabası olan hem da 2022 yılın Türk dünnäsi kultura başkasabasınnan Bursaylan tanışma gezileri yapıldı, bidirer <https://www.turksoy.org/>.

“ANA SÖZÜ”Gagauz dilindä gazeta
Çıkêr 14.08.1988 beeri

Kurucu “ANA SÖZÜ” S.R.L.
Sertifikat No. 1003600086420

Todur ZANET
Baş redaktor

İndeksi - PM – 21358

Gazeta “Universul” basım evindä basilêr
Tiraj – 3020 ekz. Sımarlamak No: 902

YAZIŞMA ADRESİMİZ:
RM – 2028, Moldova, Kişineu,
c/p Nr. 1025. Tel/fax: 022 28-18-04
e-mail: todur.zanet@gmail.com
zanet@anasozu.com